

Komunikadu Imprensa husi Parlamento Nacional, 8 Jan 2016

PN Halo Confirmação de Votos Ba Decreto do Parlamento Nacional N.º20/III – OGE 2016 Ho Unanimidade

Parlamento Nacional iha loron 8 fulan janeiro tinan 2016 hala'o Sessão Plenária Extraordinária hodi halo confirmação de votos (nova apreciação) ba Decreto do Parlamento Nacional N.º 20/III – Orçamento Geral do Estado ba tinan 2016, tuir Artigo 88.º Constituição nian no 115.º ho 116.º Regimento do Parlamento Nacional nian.

Molok hala'o votação, Primeiro-Ministro no bancada parlamentar ida-idak hala'o nia intervenção relaciona ho decisão Presidente da República ne'ebé veta Orçamento Geral do Estado ba tinan 2016. Liutiha intervenção hussi bancadas parlamentares, Parlamento Nacional halo uluk votação ba Proposta alteração 4 ne'ebé admitido no proposta hirak-ne'e ikus mai la passa iha Plenária. Nune'e, Parlamento Nacional continua kedas ho votação final ba confirmação de votos ba Decreto do Parlamento Nacional N.º 20/III – Orçamento Geral do Estado ba tinan 2016 ho votos a favor 64, contra 0 no abstenção 0.

Sessão Plenária Extraordinária ne'e preside hussi Presidente do Parlamento Nacional Vicente Guterres, Secretária da Mesa Maria Fernanda Lay, Vice-Secretária Ângela M.C de A. Sarmiento, no hussi parte Governo lidera hussi Primeiro-Ministro Rui Maria de Araújo, Ministra das Finanças Santana Cardoso ho nia membro sira seluk.

Depois de Sessão Plenária, iha parte loraik, Presidente do Parlamento Nacional lori kedas Orçamento Geral do Estado ba tinan 2016 ne'e ba Presidente da República hodi halo promulgação.